

春溫痢症三字訣合璧序

黃炎已邈仲景又不復作醫學晦盲至唐宋元明而極吾友唐君容川固已辭而闕之矣唯所著方書淹貫中西或頗深邃以訓醫家不求便俗計唐宋以來方藥譎謬殺人最甚者莫如春溫秋痢二症是非有淺顯歌括臨時緝檢未易查治先是有友自蜀中來攜有成都張子培所著春溫三字訣頗愜余心已早付諸石印獨於痢疾尚未發明諸家論說俱不足恃因懇容川續成一卷合印濟世孟子云窮則獨善其身達則兼善天下方今時局無勞吾輩杞憂願此刀圭亦名小善竊推仁術冀拯斯民伏願醫家急圖變法病家勿更因循實余所厚望焉是為序

光緒二十一年歲次乙未夏五月夔門鄧其章謹識

成都張子培先生道咸間名醫以時人往往悞春溫為傷寒覆轍相循乃着三字訣刊行問世先生墓生宿學有年矣門人吳士先學博續刻於富順學署光緒壬辰携此書北上二月十九日抵申江適聞資州公車門人李紹西以春溫歿客邸嗟乎紹西少顏子六歲春溫烏足以困之宮午不幸未遇馬當風倘早到浹日紹西無死理亡之命矣夫然出河帶本挽袖海山房印二千卷所到散布商諸業斯術者子培以名諸生精研內經遠紹旁披數十年淵乎有心得書中方藥起死回生已更僕難數所願仁人君子無易視之蒼生幸甚
光緒壬辰上巳

祥符王宮午錢卿氏題於海上客次

春溫三字訣

成都張子培先生著

夔門鄧其章雲航校印

溫為病。雖分類。

後世有風溫濕溫暑溫瘟疫等名。方書更創出大頭疔瘡等瘡名愈多。治愈亂。予所論者。風溫也。知此則一以貫之矣。

富顧名思其義。

既曰溫則非寒矣。今醫之不能治此。由於不識其名耳。名且不識。從何施治。仲景書發凡例。

仲景太陽篇一節。為溫病之祖。傷寒論中。特為提出立論者。謂此症與傷寒迥異也。不出方者。謂書本為傷寒而作。論少方少。恐其掛一漏萬也。論多方多。恐其強賓壓主也。

後之醫。仍寒治。

劉河間張子和李東垣朱丹溪辨馬不精。語馬不詳。然猶不敢妄用參朮薑附也。至張景岳薛立齋輩則妄用矣。仍是治寒法也。

方藥雜死亡纏

後人九味羌活湯。人參敗毒散。逍遙散。香蘇飲等。皆知不敢用麻桂而設。似已窺見一斑。然而仍用辛溫。百治百死。不過較用參芪朮棗者。差緩須臾耳。傷心目三字贅。

仲景本論。祇九十二字。字字是溫。字字不是寒。今人以治寒法治溫。百治百死。即有身體強壯。幸而不死者。則有拖延日時。傾破家產。熱邪久留於臟腑。新邪引動於經絡。至他年重感。亦必身死。滔滔皆是。喚醒無從。予目擊心傷。此所以有三字訣之作也。

何謂溫。溫是熱。

既名曰溫。則非寒也。今醫強名此症為寒火。名不正。則言不順。事不成矣。與傷寒殊懸絕。

如此辨明。而仍以寒法治溫病。用桂枝湯。麻黃湯。葛根湯。小柴胡湯。不肯用心。甘願殺人者。吾知其報在子孫矣。行道者。宜何如之。兢兢哉。初起時。口渴別。

傷寒初起不渴。溫病初起即渴。以此分別。然溫亦間有不渴者。但渴者多。不渴者少耳。

不惡寒惟發熱

仲景云。太陽病發熱而渴。不惡寒者。名曰溫病。共十六字。子另有註在後。

按漢文簡質。此症初起。多有微惡寒者。斷無不發熱者。但二三日。則全不惡寒。惟發熱矣。此症初起。間有不口渴者。但二三日。斷無不渴矣。且傷寒多左手脈大於右手。溫病脈多右大於左。溫病初起。多兩寸脈大。右寸尤盛。

附子培註仲景原文。單行為原文。雙行為子註。

張子培曰。悟溫病者。古有劉河間等。今有薛生白等。然亦未將太陽病溫病五字分清。夫既曰太陽病矣。何得發熱云云。又曰溫病。今特拈出。以見狂瞽者之千慮一得。

太陽病。或已發熱。或未發熱。必惡寒。前有明發熱而渴。不惟無必惡寒。更加發熱而者。太陽病也。吾得確而指其名曰溫。冬傷於寒。春必病溫。春必病溫。如以此症。太陽病也。吾得確而指其名曰溫。冬傷於寒。春必病溫。

麻杏湯有神力

用麻黃湯桂枝湯者無論矣。用人參敗毒散逍遙散者亦以五十步笑百步也。亦可無論。即薛一瓢之前胡桑皮鉤藤等。葉天士之桑葉菊花牛蒡等。吳氏祖薛葉二家用銀翹散桑菊飲。可謂此症暗室一燈。然予以謂不如仲景麻杏石甘一方為如神也。故予每用銀翹桑菊二方。皆加生麻絨七八分。或一二錢。功效倍於本方百倍。但此症初起麻黃可用。至二三日後舌變胭脂色。則風盡化熱矣。麻黃斷斷不可用。用必危殆。以麻黃大熱故也。

或銀翹。或桑菊。

銀翹散為辛涼平劑。桑菊飲為辛涼輕劑。白虎湯為辛涼重劑。吳鞠通法也。要甚。

以辛涼解表劑。

或謂傷寒宜解表。溫病忌發汗。夫傷寒解表令出外也。然則溫病忌汗令內入乎。不通之甚。蓋傷寒以辛溫解表。溫病以辛涼解表。解表同。而辛溫辛涼大異焉。昧昧者無論矣。乃高明之家亦出此語。甚矣。結習之難除也。

誤辛溫變重病

辛溫辛涼乃此症之生死關頭也。時醫畧而不講久矣。

小遷延大殞命。

言誤治之害。有如此者。但近日醫家不究見識之非。病家不悟醫人之誤。皆曰生死有命而已。

口大渴津液傷

此症始終以救津液為主。甘寒法也。陳修園謂四逆湯麻黃附子細辛湯等以附子而救津液。雖在傷寒終屬強解。况溫病乎。今人一見溫病。陽極似陰。妄。陳氏言。竟用薑附。着眼着眼。

或白虎承氣湯

此症若先以辛涼解表。繼以苦甘化陰等法。無不愈矣。因誤治變重。非二湯力不能勝。

雖熱飲亦屬陽

間有口大渴。而飲熱湯。不肯飲冷。且畏飲冷。更有舌為沸湯起泡者。此陽極

似陰重症也。時醫一見飲熱，皆謂陰症，妄投桂附，下咽立斃，特為拈出，切忌。

治之法，急下良。

急以三承氣湯選擇用之。或白虎亦有可用者。但此法祇可用在風溫。若別症喜熱，多屬陽虛，本宜薑附，妄用承氣，立斃，慎之。

若譫語，舌紅黃。

此症全憑驗舌。初病多無苔，然舌色必紅，便宜辛涼解之。半表半裡則白入裡則黃，甚則黑色，難治矣。

在包絡，非胃腸。

傷寒譫語，承氣下之，邪在腸胃也。此症邪在包絡也，非一下可解，竟用承氣，誅伐無過也，特為拈出。

用紫雪，清宮湯。

輕症清宮湯，及清絡湯可愈。若重症則不可恃矣，須得紫雪。

與至寶及牛黃。

紫雪至寶丹安宮牛黃丸三方。芳香解穢清輕透絡鎮重安神寒涼退熱真此症起死回生神方也。

至病久氣液損

傷寒傷陽故用甘溫。溫病傷陰宜用甘寒。甘溫甘寒又此症之生死關頭也。

切記切記

宜甘寒補而潤

如復脈湯去薑桂大棗竹葉石膏湯去半夏甚去人參甘寒法也。即喻嘉言清燥救肺湯亦可間用。若氣液傷損兼大熱譫語是體已虛邪仍實之候。最為危症。予每用炙草五六錢以大補中氣。生地麥冬各一二兩以滋陰液。大黃芒硝各四五錢及七八錢以蕩實邪。應手而愈多矣。但症危如此必憑脈以驗症。脈弦者生。脈濇者死。脈弦為陰氣未盡。脈濇為陰血已竭。所謂陰症見陰脈是也。

即下利二甲症

傷寒下利非白通四逆不能回陽。此症下利只用龍牡鎮濇存陰而已。不用

溫補也。然此就久下利而言。故用堵塞法。若在病初。身熱口渴。下痢舌黃。胸痞脈數。此溫邪下注大腸之症。所謂協熱而利是也。當用黃芩葛根桔梗豆卷之屬。以升泄溫邪。二症辨之不清。生死立判矣。

變紛更此大概。

予所閱歷者。有用大黃七八錢。芒硝四五錢。下至二十餘日而愈者。成都府庠生百善。叙州府庠生張正是也。有先用芒硝大黃三五錢。服一劑而病大增。次日衆謂藥誤。予謂病重藥輕。硝黃各加一二倍而愈者。鹽署典史林竹齋。華陽監生江曉帆是也。有病已大減而為寒阻遏。下不能通。先用理中微加附子一小劑。以驅其陰。腹痛即止。更用六味湯加大黃。以養陰蕩邪。一劑而愈者。則彭雲峯之長子也。有誤汗誤下。誤用滋膩。誤用苦寒。病至十五六日。壯熱不解。予自遠歸。遵喻嘉言先生法。用麻黃附子細辛湯一劑。而熱清去十之八九。後用回陽法。畧帶養陰。施治半年餘而愈者。則予子小培也。按後風溫中百難見者不可輕用凡此者不可勝數。蓋此症變遷極速。極歧。茲不過言其大概。然而會心者。處處與傷寒對看。可即始以見終矣。

知寒溫能涵蓋

凡病不外陰陽。知治傷寒能治陰病矣。知治溫熱能治陽病矣。雖有陽極似陰。陰極似陽。陽七陰三。陰七陽三。陰陽錯雜之不同。而理本一貫。認的陰陽。投無不利矣。

一切病迎刃解。

此二病萬病之綱也。綱舉則目張。萬殊可歸於一本。目張由綱舉。一本可發為萬殊。即以此症而推彼。如吳又可所論之瘟疫。是天地之厲氣。刀兵饑饉之餘。人從口鼻而受者。老子所謂大兵之後。必有凶年是也。其症大寒大熱。口渴身痛。脈浮洪而數。全類傷寒。風溫惟初起滿口。舌苔白而且厚。或有黃色。甚則黑矣。面如油垢。即是症。用達原飲如神。且非此無以搗銳而攻堅。彼陳修園吳鞠通舒馳遠輩。竭力訾詆胡為哉。又如疔瘡瘟初起。與寒溫同。惟頭面疔瘡。如無名腫毒。然用銀翹桑菊二方。加減亦效。然不如升降散之靈妙敏捷也。又如濕溫初起。與前三症亦同。但舌上有苔而薄。胸膈痞悶。口渴不喜飲水。即飲亦不能多受。為獨異。或四肢骨節麻木酸疼。法宜辛涼淡

滲如滑石木通杏仁半夏及苡仁厚朴竹葉菊花荊芥之屬秋燥初起以肌膚燥燬神氣衰少為獨異。有外感者蘇葉荊芥薄荷玉竹石膏梨皮麥冬貝母之屬無外感者喻氏清燥救肺湯滋液救焚湯之屬。法宜辛涼清潤。一切外症。可由此正面推。即一切內症。可由此反面推矣。但難為不肯讀書不肯用心者望也。

〔附方〕

麻杏石甘湯

麻黃 四錢 杏仁 三錢 石膏 八錢 生甘草 二錢

〔張子培按〕分兩必須因病輕重加減。不可竟用古法。

辛涼平劑銀翹散方

連翹 一兩 金銀花 一兩 苦桔梗 六錢 薄荷 六錢 竹葉 四錢

芥穗 四錢 生甘草 五錢 淡豆豉 五錢 牛蒡子 六錢

右杵為散。每服六錢。鮮葦根湯煎。香氣大出。即取服。勿過煮。肺藥取輕清。過煮則味厚。而入中焦矣。病重者約二時一服。日三服。夜一服。輕者

三時一服日二服夜一服病不解者作再服蓋肺位最高藥過重則過病所少用又有病重藥輕之患故從普濟消毒飲時時輕揚法今亦間有辛涼法者多不見效蓋病大藥輕之故一不見效遂改絃易轍轉去轉遠即不更張緩延至數日後必成中下焦矣胸膈悶者加藿香三錢鬱金三錢護膈中渴甚者加花粉項腫咽痛者加馬勃元參衄者去芥穗豆豉加白茅根三錢側柏炭三錢梔子炭三錢咳者加杏仁利肺氣二三日病猶在肺熱漸入裡加細生地麥冬保精液再不解或小便短者加知母黃芩梔子之苦寒與麥地之苦寒合化陰氣而治熱淫所勝

張子培曰按此症初起予用此方每加麻黃一二錢功效倍捷但三四日後舌變紅黃則不可用矣

桑菊飲方

杏仁 二錢

連翹 一錢

薄荷 八分

桑葉 二分

苦桔梗 二錢

黃菊花 一錢

甘草 八分

葦根 二錢

水二盃煮取一盃日二服二三日不解氣粗似喘躁在氣分者加石膏

知母。舌絳。暮熱。邪初入營。加元參二錢。犀角一錢。在血分者。去薄荷。葦根。加麥冬。細生地。玉竹。丹皮。各二錢。肺熱甚。加黃芩。渴者。加花粉。

白虎湯方

石膏八錢

知母三錢

生甘草錢半

白粳米四錢

調胃承氣湯方

大黃四錢

炙甘草二錢

芒硝二錢

小承氣湯方

大黃四錢

厚朴二錢

枳實一錢

大承氣湯

大黃四錢

厚朴三錢

枳實三錢

芒硝三錢

紫雪丹

張子培按局方原有黃金百兩更妙

滑石一斤

水煎二斤搗煎去渣入後藥

犀角五兩

沉香五兩

丁香一兩

升麻一斤

元參一斤

羚羊角五兩

木香五兩

炙甘草半斤

以上八味並搗剉入前藥汁中煎去渣入後藥

朴硝 硝石 各二斤提淨。入前藥汁中。做火煎。不住手將柳木攪。候汁欲凝。再加入後二味。

長砂 三兩 研細

麝香 一兩二錢 研細入煎葯拌勻

合成退火氣冷水調服一二錢

清宮湯

元參心 三錢

蓮子心 五分

竹葉捲心 三錢

連心麥冬 三錢

連翹心 二錢

犀角尖 二錢 磨沖

加減法。熱痰盛加竹瀝梨汁各五匙。咯痰不清加括萁皮一錢五分。熱毒盛加金汁人中黃。漸欲神昏加銀花三錢。荷葉二錢。石菖蒲一錢。

清絡湯

羚羊角 三錢

川貝母 二錢

連翹 二錢

連心麥冬 四錢

知母 二錢

石斛 二錢

青蒿 二錢

花粉 二錢

至寶丹

犀角 一兩 鎊

硃砂 一兩 飛

琥珀 一兩 研

玳瑁 一兩 鎊

牛黃 五錢

麝香 五錢

以安息重湯燉化。和諸藥為一百丸。蠟護。

安宮牛黃丸

牛黃一兩 鬱金一兩 犀角一兩 黃連一兩 硃砂一兩 梅片五分

麝香五分 真珠五分 山梔一兩 雄黃一兩 黃芩一兩 金箔衣

右為極細末。鍊老蜜為丸。每丸一錢。金箔為衣。蠟護。虛者人參湯下。脉實者銀荷薄荷湯下。每服一丸。兼治飛尸卒厥五癩中惡。大人小兒。瘧厥之因於熱者。大人病重體實者。日再服。甚至日三服。小兒服半丸。不知。再服半丸。

復脉去姜桂湯

炙甘草六錢 乾生地六錢 生白芍六錢 麥冬存心五錢 阿膠三錢 大麻仁三錢

竹葉石膏去參半湯

鮮竹葉三十片 石膏八錢 麥冬存心五錢 炙草二錢 粳米八錢

清燥救肺湯

霜桑葉三錢 石膏二錢 甘草一錢 黑芝麻三錢 人參七分

麥冬一錢 杏仁一錢 真阿膠一錢 枇杷葉一錢

存心 皮一錢 去一錢 皮一錢 炙

痰多加貝母血枯加生地黃熱甚加犀角二角

二甲湯

生牡蠣八錢生鼈甲四錢

再用龜板四錢名三甲湯

達原飲

檳榔二錢厚朴一錢草菓仁五分白芍一錢知母一錢黃芩一錢生甘草五

升降散

白殭蠶二錢酒炒 蟬蛻一錢 薑黃三錢 生大黃四錢

細末分四服冷黃酒一盃蜂蜜五錢沖下

資液救焚湯

生地黃二錢去汁連心麥冬二錢取汁生犀角三錢磨汁生薑汁二茶匙 真阿膠一錢

炙甘草一錢 麻仁五分 柏子仁七分 人參一錢五分 紫石英一錢

滑石一錢 寒水石一錢打碎不為末 五味子三分 子培按五

右除生地麥冬犀角生薑四汁及阿膠共八味用名山泉水及水亦可

四茶盃緩煎至一茶盃半去渣入四汁及膠再緩火畧煎至膠化斟出

入牛黃末五釐分二三次熱服

張子培曰按諸方不止治一溫病而治溫病者亦不止此數方已也然能由此數方對面旁面側面而會通焉則謂數方為萬病之權輿可也。僅溫病云乎哉不然刻舟求劍即溫病亦一步不可行也。

痢症三字訣

蜀天彭唐容川先生著

夔門鄧其章雲航參校

痢為病發秋天

古名腸癖。又名滯下。今名曰痢。以其下利。而又不爽利也。與洞瀉相別。天淵四季皆有此症。唯秋時此病更多。

金木沴。溼熱煎。

所以秋時此症更多者。蓋五行之序。由春入夏。為木生火。熱氣主事之時也。由夏至長夏六月。為火生土。是為溼土主事之時。熱來蒸溼。合氣為暑。故六月節名小暑。大暑。至立秋以後。則土來生金。溼熱當止。故其節名處暑。暑氣自此止也。暑止則熱氣變為涼氣。而涼風至矣。溼氣變為清氣。而清肅下降。矣。如此則秋金氣旺。木火自戕。中土不致受邪矣。若其人之肝木太旺。遇金來制之。而木不受制。遏鬱生火。則熱氣不退。火反尅金。金氣不得清肅。因之溼亦不化。與熱相蒸。蘊結血氣於三焦腸胃之間。釀為腐穢膠粘之汁。則成痢矣。肝迫注。故下逼。肺收攝。故滯塞。

人身肝主疎泄。疎者條達而上也。泄者順利而下也。木氣不疎則鬱鬱者草木多而壅遏也。木氣太泄則暴注。暴注者泄力太過之故也。然使金不與木爭則泄而不斂。何至滯塞哉。唯當秋金收斂之令。肺金不應受邪。故金必與木爭。木愈泄。金愈收。是以逼迫艱澁而成其裡急後重也。

白氣腐紅血潰

俗以白痢為寒非也。白痢只是氣分之熱。腐化成沫有如烈日流金燂石也。今之治白痢者每用姜桂吳萸而成死證。戒之戒之。蓋紅白二色不分寒熱。只分氣血而已。陳平伯云。調氣則後重自愈。和血則便膿自除。可謂得法。

病有脾治肝肺

凡瀉泄之症皆出於腸胃。而胃與大小腸又皆統於脾經。故此痢症亦無不歸屬於脾者。然其致痢之由實不責脾。而責在肝肺。肺金不能顧母。肝木鬱而尅土。以脾土受邪。但當治肝肺。則脾經自治。

初發熱或惡寒兼疎表柴葛餐

痢症初起而發熱惡寒者乃內有鬱熱。外感風寒。寒能閉火。風能煽熱。互相

蒸發。是生寒熱。宜兼疎其表。用葛根黃連黃芩湯。柴胡荊芥湯。或人參敗毒散。加黃芩亦效。

三五日病歸裡。但治內。無外駛。

痢症在三五日後。雖有發熱惡寒等症。亦由邪歸腸胃。蒸發於外。其專責重在內。但當清裡。裡氣一清。則外之寒熱自除。不可發表。反傷營衛。以致精枯血竭也。

西醫云。腸胃炎。膜油腫。潰痛兼。

中國自宋元後。皆不知痢症。何故腹痛。何故便膿。至有以便膿為虛脫。以腹痛為中寒者。誤人不少。唯西醫法。將痢症病死之人。剖割視之。見其腸胃發赤。膜油發腫。甚則潰爛。乃知腹痛便膿之故矣。此說似奇實正。蓋油膜者。脾經所屬也。肝火從肝膜入膏油。蒸發紅腫。肺金不能利水。水火蘊結在膜油中。而油膜又全連腸胃。是以腸胃赤腫發痛。甚則潰爛。與寒中洞泄。迥然不同。

治白痢。主肺氣白虎湯。銀菊貴。

輕病用銀朮散重者宜白虎湯專清肺金加杏仁厚朴桔梗以利肺氣使不收瀉。加白芍黃芩甘草以平肝。使肝木不侮肺。脾土不受尅則愈。如小便不利。再加桑皮滑石。外有寒熱者可加葛根。

治紅痢。主肝血。白頭湯。守圭臬。

白頭翁。無風獨搖。有風不動。一莖直上。能引肝氣上達。使不下迫。則後重自除。苓連黃柏。大瀉肝火。火清血靜。則紅痢自止。此仲景大法也。余常用金花湯。加炒荆芥地榆歸尾檳榔杏仁白芍青蒿。亦是白頭翁湯之意。

閉迫甚。不得通。生大黃。暫一攻。

世傳黃連黃芩生大黃吳茱萸。為治痢霹靂散。暫用多效。然痢症是蘊釀糾結之邪。非剽劫所能除。甚有久服大黃而反致死者。津血被奪故也。唯遇閉迫太甚。求通不得者。於各藥之中。暫加大黃一攻。亦常得效。

喜開達。杏桔蘇。萸荷菊。葛麻扶。

內閉者宜開。下迫者宜達。開之當從肺治。宜桔梗杏仁貝母以制肺氣。使不收瀉也。達之當伸肺鬱。宜白頭翁柴胡。皆一莖直上。能升清陽。唯二蘇鮮真。

者余每用荷葉黃菊老蘇梗葛根天麻代之皆能伸木鬱而解下迫也
喉痛噎是奇恆証多死藥難憑

痢症咽痛氣噎喘逆者名奇恆利以其異於常痢也是火逆攻肺有立時敗
絕之勢仲景云急下之宜大承氣湯然病此者多死少生

若噤口津液傷不速治腐胃腸

諸病不食皆是中寒唯痢症噤口不食是腸胃熱灼津液不升舌乾咽澀食
不得下西醫言人之食皆胃津吸之也此症胃津灼枯是以噤不食俞嘉言
倉廩湯循名失實朱丹溪石蓮湯依稀彷彿皆不知胃津用事之故也此時
沃焦救焚若遲不及則腐腸爛胃而死世之用香砂橘半者不知誤殺多人
試看噤口必舌上無津液但令津液益過舌心則食即下百驗不爽勿為舊
說所誤也

救胃煎開噤湯毋利水免津湯

痢症嘔吐是火逆拂鬱宜三黃酒止嘔嘔止即進食此非真噤口也唯不嘔
不食舌上無津是為真噤口宜救胃煎開噤湯大生津液以救腸胃凡泄皆

宜利水。唯痢症膠結之邪。只當滑以去着。不可滲利。反傷津液也。食已進。痢未止。宜分消。亦利水。

痢症不可利水。自是一定之法。然既服寒涼藥後。腸胃中津液已存。而痢猶不止者。亦可兼利小便。使溼熱之邪分消而出。蓋不利水者。但清其腸胃也。而兼利水者。是兼清其膜油也。且止宜潤利。加滑石車前防己木通之類。而不可燥利也。醫者知之。

痢既愈。當補脾。喜歸地。忌薑芪。

痢後當補脾陰。宜歸地養榮湯。而不當補胃陽。故薑桂砂陳朮芪苓附皆非所宜。唯用白芍當歸麥冬人參玉竹山藥石斛黃精山萸肉一派滋養脾陰之藥。則大能補益。令人肥健。

若休息。瘵熱藏。逾時發。攻下良。

或逾時逾年。而又復發。名休息痢。謂其已休止。而又復生息也。是瘵熱留伏於膜油隱匿之地。仲景云。宜承氣湯下之。時法用黃連末調羊脂服。余每用清寧丸。日服八分。或當歸蘆薈丸。多服皆效。

痢太久亦變虛佐熱藥寒即祛

痢本無寒証唯泄痢太久亦有轉為虛寒者故仲景有桃花湯烏梅丸以從

治之

不後重乃用之辨証者當慎持

但虛滑之証必不後重與熱閉者有別醫者當辨之不可寒熱誤用也

〔附方〕

葛根黃連黃芩湯治外感發寒熱并下痢者

葛根八錢 黃連三錢 黃芩三錢 杏仁四錢 甘草一錢

此仲景治協熱利下之方也凡痢症兼外感者當本此意治之用水二

盞煎取一盞頓服之如有宿食者可加枳殼一錢厚朴二錢

柴胡荆芥湯痢症有寒熱表裡兼治者

竹柴胡八錢錢要真者不辛散只清香升發而荆芥一錢半 竹茹三錢

銀花二錢已如無真者以青蒿荷葉蘇梗代之生用 桔梗三分 青木香一錢 黃芩二錢

甘草一錢

右尊用水三茶盞先煎各味至四五沸再入荆芥煎三沸去渣溫服微汗出則外熱自退痢症亦減

人參敗毒散 治外感有寒兼發痢者

人參一錢

羌活一錢

獨活一錢

川芎八分

川柴胡

三錢如無真者以青蒿荷葉代

前胡二錢

桔梗二錢

茯苓二錢

枳殼一錢

生甘草一分

此方今人最尚。然皆散寒利水之藥。非痢症蠶合之方也。必加黃芩乃能清內熱。再加白芍乃能平肝疎土。凡痢初起而外有寒熱者亦可用此發散之。用水二盞煎取一盞服之。

銀菊散

治白痢之輕藥也

銀花三錢

白菊三錢

連翹二錢

生白芍三錢

杏仁

三錢研去皮尖

桔梗三錢

梔子二錢

木香一錢

牛蒡子三錢

甘草

一錢

用水三茶盞煎取盞半服如有宿食加生大黃五錢

白虎湯 治白痢

生石膏三錢

煨石膏三錢

甘草一錢

粳米三錢

再加黃芩三錢 白芍三錢 杏仁三錢 桔梗二錢 厚朴一錢 方合痢症有外寒者。再加葛根荆芥。小便利者。再加桑皮滑石。此治白痢之良方也。

白頭翁湯 治紅痢

白頭翁 五錢

細葉白毛一莖直上。味做苦而氣清香。開小黃白色花者為真白頭翁也。如無真者用白薇粉葛竹茹天麻代。

黃柏 三錢

黃連 三錢

秦皮 三錢

用水二盞煎取一盞服。最妙。白頭翁能平木疎肝。息風清火。使下迫之氣條達而上也。如無此味亦當仿此用藥。乃能解除裡急。

金花湯 今名黃連解毒湯 治紅痢

黃連 三錢

黃芩 三錢

黃柏 三錢

梔子 三錢

加杏仁 三錢

檳榔 二錢

當歸 三錢

地榆 三錢

赤芍 二錢 荆芥 一錢

生地 三錢

青蒿 三錢

甘草 一錢

水煎服

霹靂散

治痢症服開。有宿食發嘔等症。

生大黃 一錢

黃連 二錢

黃芩 三錢

吳茱萸 一錢

用水二盞煎取一盞先服半盞得快利即止勿服如不快利再服一次
此藥只可服一二次不可多服

大承氣湯治奇恆利

生大黃二錢 厚朴二錢 枳殼一錢 芒硝三錢

先煎三味已成後入芒硝一二沸取汁服咽痛噎畧愈即止再進加減
金花湯

三黃酒治痢症發嘔吐者

黃連一錢 黃芩三錢 生大黃二錢

用好燒酒一盞煎成半盞徐徐咽下如不飲酒者用水一盞加酒一盞
煎服徐徐咽嘔吐止即勿服

救胃煎治噤口不食

生地三錢 白芍二錢 黃連三錢 黃芩三錢 五竹三錢 花粉三錢 杏仁三錢
桔梗二錢 石膏四錢 麥冬三錢 枳殼八分 厚朴一錢 甘草一錢
右水三茶盞煎取盞半服必舌上有津液則進食矣

開噤湯治噤口不食

人參二錢 麥冬三錢 天冬三錢 石膏三錢 梔子二錢 黃連二錢 黃芩一錢
黃柏一錢 生地三錢 白芍三錢 當歸三錢 射干二錢 杏仁三錢 檳榔一錢
枳殼一錢 甘草一錢 花粉二錢

此為治噤口痢之主方。生津進食。除腸胃中之炎症。力量周到。再加白頭翁。則詳盡無遺矣。

歸地養榮湯

當歸三錢 生地三錢 山藥三錢 麥冬三錢 白芍三錢 蓮子青心三錢
桑葉三錢 荷葉三錢 石斛三錢 玉竹三錢 甘草一錢
水二盞煎取一盞。痢愈後多服大補益。

調胃承氣湯

生大黃一錢 芒硝二錢 甘草一錢

水煎二味已成。再入芒硝二沸取服。得快利即止。

桃花湯治虛痢不後重者

赤石脂一錢 糯米五錢 乾薑炒黑一錢

久煎成湯服之。能溫補止澀。為虛滑利之主方。不後重下利者乃用之也。觀仲景原文自知。

清寧丸 治休息痢

生大黃 四兩

用薄荷拌酒蒸一次。去薄荷。乾後。用去糟米酒半斤。好燒酒四兩。泡二七日。在飯上蒸一次。攪一次。再晒露。再蒸乾。再加酒。至大黃爛如泥。為丸。綠豆大。每服一錢。或五分。大便微下。則愈。

烏梅丸 治虛滑久痢。不後重者。

烏梅十枚 黃連 三錢 黃柏 一錢 人參 一錢 桂枝 一錢 細辛 一錢

附子 一錢 當歸 一錢 花椒 一錢 乾薑 二錢

右為末。用烏梅飯上蒸熟。搗和。加蜜為丸。梧子大。每服三十丸。米飲下。